

ELKARBIDEAK ⁽¹⁾

BIURTZA

Ez da beñere bide luzerik,
ez da bertago ta urrutigorik,
oso maitetsu diran biotzak
ez dute jartzen tartian lurrik,
enadak bezin arin dijoaz
elkarrengana urbildu nairik.
Bertarago ni arkitutzen naiz
negarrez utzi dituangandik
ajol etzaïten-gandikan baño
naiz mai batean biyok egonik.
Zeruko Jauna ez det beñere
ikusi baña goguan det nik;
jayotz-erriko eskillen otsak
aditzen ditut nagon lekutik.
Semechuaren karta samurrak
naitasun onez oso beterik

geigo esaten dirate beste
itz denak baño bakar-bakarrik.
Nere amaren zillar-kutunak
españetara noiznai emanik
zorion batez mugitzen dira
gurutzechuak dar-dar egiñik.
Jakin ez arren esagutzen da
sentieraz aïñ biotz barrendik
urrun aldeko lagun leyalak
baldin badauka gaitz edo miñik,
maite oiekin itzegiteko
ez det alboan egon bearrik,
aldamenian daruzkat beti,
aldamenian beso zabalik.
¡Ez da beñere bide luzerik,
ez da bertago ta urrutigorik!

EMETERIO ARRESE

(1) «Corrientes». Poesía de Eusebio Blasco.